

三家醫案

傍柳書屋



三家醫案合刻

薛雪生白著

後學吳金壽子音纂

骨小肉脆定非松柏之姿。脈數經停已現虛勞之候。先天既弱而水虧壯火復熾而金燥。歲氣一週一損。豈容再損。秋風乍薦已傷。難免重傷。證具如前。藥惟補北。非敢說夢聊以解嘲。

生地

沙參

地骨皮

麥冬

金石斛

生龍甲

蘇祿國貢使契苾丹副使阿石丹久欬不能臥案

辨八方之風測五土之性大率貴邦偏在中華之翼

箕尾之前翼軫之外陽氣偏泄卽有風寒易感易散

此華夏已屬三焦況不得臥而肺氣大傷止宜潤降而

已

蜜炙枇杷葉

麥門冬

川貝母

甜杏仁

經霜桑葉

米仁

內經謂骨肉柔脆之人其質本弱然以脈症較之其欬

原屬手太陰得之聞先一人補之後一人瀉之邪則
補而升元則由瀉而虛竟成廟兵出而岸兵入也亦
末議共博一笑

北沙參

燕窩

桑葉

冰糖

川貝母

紫苑

少腹有形隆起如阜上至心下則厥逆來疾去駛雖大
力人拒之不能卻上則人身爲之上竄下則人身爲之
下墜不能強掙一翕一闕一上一下迺至人身上下如

春杵口鼻兩陰之血隨其上下溢出羣醫不能治余思
此症載在難經特未曾縷晰示人耳且云此物伏在臍
旁上下則少楚伏入臍中則少安可見臍旁兩穴亦與
此條相合且弗揭明其義一任羣公思而得之可也

用薄荷湯送下神秘丸以病人自思此湯飲之其
物條伏而不動故亦用之

素來擾虧根本不特病者自嫌卽操醫師之術者亦跋
前寔後之時也值風木適旺之令病目且黃已而遺精

寒熱汗出。稍緩再商。

救逆湯去白朮加人參

穉年純陽體質。熱症最多。病偏右胸。高呼氣不利。肺氣不能清肅。熱鬱內蒸。逆傳膈中。致天君震動。狀若癇症。夫肺主衛心主營。二氣循環於肺胃脈中。苟營衛失和。越日觸遇。乃發。翁仲仁謂扶肚擡胸。爲肺熱壅塞。然不及周歲。未受穀食。涵養藏府柔薄。一切苦寒沈降及膩滯陰藥。俱在禁例。且肺位最高。逆行心胞絡間。仍從上

治抱持勿臥令上氣下行爲順可使營衛兩和

薄荷

桑葉

米仁

茯苓

鬱金

淡竹葉

鮮石菖蒲

再診

西瓜翠衣

鮮枇杷葉

通草

茯苓

生米仁

淡竹葉

三診宿熱未平秋金燥令亦從天降致上氣未能全順
症見欬嗽燥逆議清氣分之熱



大沙參

麥冬

花粉

生甘草

桑葉

燈心

四診視面部清竅未能爽適顯然肺熱未能全解議進
甘寒倣喻嘉言清燥意

桑葉

麥冬

梨肉

川貝母

銀花

生甘草

五診伏暑止壅得宣通而降頭項胸次已平但乳食不
能少運便塘日有數次思肺降之熱必移於府考古幼



三
四
稗泄瀉每以四苓爲主方不越分利和中之意

四苓加廣皮木瓜生穀芽

據述產育頻多產後兩年經水至今未來此爲病根已屬下元陰虧長夏初患泄瀉必天雨地濕潮霧穢濁氣由口鼻吸受原非發散消攻可去祇因體質甚薄致穢濁蔓延充布三焦上則欬痰不饑下則二便澁少非表有風寒故無寒熱見症然氣分壅塞津化濁痰入夜渴飲胃汁消乏求助於水是本虛標實之病夫肺位最高

與大腸相表裏清肅不行小便不利矣。

蘆根

米仁

通草

茯苓

桑葉

西瓜翠衣

沖入白蔻末

再診前議虛不受補皆因夏令伏邪著於氣分夫肺主一身之氣既因氣阻清肅不行諸經不能流暢三焦悉被其蒙前言攻邪不效蓋客邪由吸而受與風寒感冒不同乃氤氲虛空聚則爲殃耳故取淡滲無味氣薄之品僅通其上氣動中下俾虛無傷伏氣可去稍佐辛香

非燥也。倣辟積之義。

經霜桑葉

鮮枇杷葉

茯苓

寇仁

米仁

蘆根

脈小右弦呼。吸不利。喉中有聲。入夜神迷昏倦。少腹微脹。二便不爽。自言筋骨如針刺。身重難以轉側。右環跳筋縱不能伸屈。此皆暴寒內入。周行上下。陽氣痺塞。且頻年交冬。痰嗽天暖自安。老年腎真衰乏。少藏納之司。水液化痰。上泛寒中。少陰則太陽膀胱之氣無以上承。



而流通宣花開合失度樞機悉阻濁氣升痰飲逆暴急喘急神昏若用發散墜降恐致傷陽劫陰議進仲景小青龍法乃太陽表中之裏通營衛不耗其陽開痰飲不泄其氣仍有收肺逆通膀胱之義

小青龍湯

驚白外觸恐自內起內經論驚必傷肝恐則傷腎丹溪謂上升之氣多從肝出謂厥陽暴升莫制則氣塞於上陰不上承即天地不能交泰而爲否塞至於夢擾筋縮

乃精氣不能護神神無所依用藥當鎮其怯益其虛漸引道以致三炁之交合是爲醫之能事

妙香散

尾閭尻骨先痛繼以洩溺淋閉兼有瘀血夫督脈部位隸於太陽脈絡氣墜頻溺點滴不爽分利清熱愈痛古賢每以柔劑溫藥升任督之氣按經旨以治病諒無悞矣

鹿茸

當歸頭

淡從蓉

巴戟

枸杞沙蒺藜

腕下脹及少腹踈肝平胃不應腎氣加辛香又不應食
物仍進二便仍利病既非停著有形之滯自屬陽微氣
結議與通陽潤劑

阿魏麝香丸服

新產不滿百日天暑汗出氣泄加以澡浴湯蒸更助開
發陽浮左升陰弱莫制遂喉痒欬逆牽連左脇及氣街
背部皆痛蓋產後肝血未充腎液未足奇經諸脈悉皆



怯弱陰虧陽熾血不能榮養筋脈法當味厚質靜流護
至陰之藏兼溫養奇經倣仲聖阿膠雞子黃湯

阿膠

生地

雞子黃

白芍

稽豆皮

石決明

再診考足厥陰肝經過胃貫膈上循喉嚨因肝陰少藏
陽氣有升無降每交暮夜欬甚如噓戌亥乃肝陰旺時
肝陽擾胃則陽明脈衰四肢倦怠面色青晦陽化內風
掀越鼓動爲肌浮偏腫心無液養似嘈非嘈似痛非痛

熱釀涎沫吐○出復聚余不以欬嗽爲治急於流護○
靜制風陽內鼓夜分更以胃藥助之○

午服聖賢丸

雞子黃○白芍○不○枸杞子○關○阿膠○

甘菊○不○燄草○

暮服

人參○南棗○秋石○

據述久有胃痛當年因痛吐蚘服資生丸消補相投用○



八味丸溫潤不合。憑脈論症。向時隨發隨愈。今病發一
月。痛止不納。口味酸濁。假寐未久。忽躁熱。頭汗淋漓。口
不渴飲。凡肝病必犯胃府。且攻滌寒熱等藥。必先入胃。
以分佈藥。不對病。更傷胃氣。胃司九竅。清濁既亂於中。
焉有下行爲順之理。上下不宣。狀如關格。但關格乃陰
枯陽結。聖賢尤以爲難。今是胃傷困乏。清陽不司旋運。
斯爲異歧。不必以寒之不應而投熱。但生傷在無形。必
圖清氣宣通。則爲善治程法。金匱大半夏湯。